



Hoërskool Piketberg



STIGTINGSDATUM: 1846

**LEUSE: VIVAT CRESCAT FLOREAT (OM
TE LEWE, TE GROEI, EN TE FLOREEER)**

**ADRES: SIMON VAN DER STELWEG 2,
PIKETBERG**



Skoolgeskiedenis

Hoërskool Piketberg se geskiedenis strek so ver terug as 1846 toe mnr LH Fick as enigste onderwyser die deure vir 36 leerlinge geopen het. Tydens die Anglo-Boereoorlog is die skool as hospitaal gebruik. En toe hy sy verrigtinge hervat het, het die skool vinnig gegroei. In 1914 is geboue vir die hoërskool in gebruik geneem, en in 1935 het geboue vir laerskoolonderwys gevolg. In 1956 is 'n skoolsaal gebou, in 1958 'n koshuis, en in 1962 'n meisiekoshuis. Die skool het tans 640 leerlinge en 30 onderwysers.



Rugby by Piketberg

Piketberg het 'n paar bekende Springbokke opgelewer. Die eerste was Champion Myburgh, 'n Springbok in 1924. Jan du Preez was lid van die Springboktoerspan na Australië en Nieu-Seeland in 1956. Hy is hoogleraar in chemie aan die Nelson Mandela Metropolitan University in Port Elizabeth. Joos Prinsloo, 'n matrikulant van 1951, is 'n dubbele Springbok. Hy het nasionale kleure in sowel rugby as atletiek verwerf. Meer onlangs was Edrich Lubbe en Derick Hougaard 'n ruk by Piketberg, hoewel dit in die laerskool was.

'n Paar onlangse spelers het die Boland-skolespanne gehaal. In 2005 was Coenraad Lambrechts in die Boland se Cravenweekspan, terwyl Buys Wiese vir Boland se Akademiespan gekies is. In 2007 het Riaan Engelbrecht Cravenweek vir Boland gespeel. Daardie jaar het die 1ste-span na Franryk getoer, waar drie wedstryde teen plaaslike klubs gespeel is. Die vorige buitelandse toer was in 1998, toe Johan Kotze se span Namibië besoek het. 'n Toer na Argentinië word vir 2009 beplan.

Onlangse spanne wat goed presteer het, is dié van 2004, wat deur Jacobus Eksteen aangevoer is, en dié van 2007. Eksteen speel tans vir Hamiltons. Piketberg was in albei hierdie seisoene onoorwonne.

Die skool speel tradisionele derbies teen Hoërskool Porterville en Augsburg-gimnasium van Clanwilliam. Maar die belangrikste derby is teen Schoonspruit.

"Wedstryde teen Malmesbury was regtig straf toe ek op skool was. Maar ek sal nooit die kere vergeet wat ek saam met die beroemde Butch Lochner vir Wes-Bolandse Skole gespeel het nie. Hy was van Vredenburg, en ons sou later saam vir Stellenbosch, Westelike Provinsie en die Springbokke speel. Dinge het regtig verander sedert ek op Piketberg was. Toe ek op skool was, was die land in 'n oorlog betrokke, en ons het nie rugbytruie gehad nie. Enige trui sou toe doen. Die velde was ook verder weg as vandag. Hulle was inderdaad op die voet van die heuwel aan die anderkant van die dorp, en net om daar te kom, was 'n oefensessie! Niemand het juis uitgesien na die opdraende na 'n oefening nie."

**— Professor Jan du Preez
(1947; 1956-Springboktoer)**

"Ons rugbyvoorbereiding begin reeds in die somer, en kort daarna stuur ons 'n gekombineerde span van Piketberg en Schoonspruit na die St Sithians Easter Festival. Maar die strydbyle word uitgehaal wanneer die twee spanne terugkeer. Dan is dit tyd vir hul jaarlikse interskole teen mekaar. Histories was die interskole teen Porterville, maar in die laaste tyd het die derby teen Schoonspruit sy plek ingeneem."

**— Chris van der Merwe
(breier sedert 1993)**